

BOSNA I HERCEGOVINA
FEDERACIJA BOSNE I HERCEGOVINE
ZENIČKO–DOBOJSKI KANTON
KANTONALNO TUŽILAŠTVO
ZENIČKO–DOBOJSKOG KANTONA

Broj: T04 0 KT 0061058 24
Zenica, 06.02.2025. godine

OPĆINSKOM SUDU U VISOKOM
-Sudiji za prethodno saslušanje-
VISOKO

Na osnovu člana 45. stav 2. tačka i), člana 241. stav 1. Zakona o krivičnom postupku
F BiH, p o d i ž e m

O P T U Ž N I C U

Protiv:

S. A., neosuđivan,

što je,

Dana 16.10.2024. godine oko 12,20 sati, na regionalnom putu V.-K., u mjestu B., grad V., nasiljem prema drugom i naročito bezobzirnim ponašanjem, ugrozio građanski mir i drugog lako tjelesno ozlijedio, na način da je u toku vožnje svojim pmv, nakon što je uočio O. A. koji je upravljao pmv „WV Caddy“ reg. oznaka ..., istom blicao i svirao da zaustavi vozilo, što je A. i učinio i na prvom proširenju zaustavio se, nakon čega je izašao iz vozila i obratio se A. riječima „Kako je svijet mali“, a potom prošao sa desne strane A. vozila i zatvorenom šakom udario u desnu stranu prednjeg vjetrobranskog stakla koje je tom prilikom i napuklo, dok je na mjestu suvozača u predmetnom vozilu sjedila B. I., a nakon toga prišao A. koji je stajao pored vrata vozača predmetnog vozila i od istog tražio da mu vrati novac koji mu duguje njegov otac, na što mu je A. rekao da nema ništa s tim, nakon čega ga je udario šakom u predjelu desne strane lica ispod oka, iako je znao i bio svjestan da na naprijed navedeni način ugrožava građanski mir i da na opisani način može nanijeti tjelesne povrede O. A., odnosno da udarajući šakom o prednje vjetrobransko staklo isto može oštetiti, što je i htio, na koji način je nanio štetu O.A. u iznosu od oko 300,00 KM i istom nanio laku tjelesnu povredu u vidu nagnječenja-uboja glave u predjelu desne strane donje vilice, zatim se udaljio u pravcu svog vozila odakle je iz gepeka izvukao neku šipku, a za to vrijeme O. A. je sjeo u svoje vozilo i pobjegao sa lica mjesta u najbližu Policijsku stanicu,

dakle, nasiljem prema drugom i naročito bezobzirnim ponašanjem ugrozio građanski mir drugoga i drugom nanio laku tjelesnu povredu, te oštetio tuđu stvar,

čime je počinio krivično djelo „Nasilničko ponašanje“ iz člana 362. stav 2. u vezi sa stavom 1. KZ F BiH u sticaju sa krivičnim djelima „Oštećenje tuđe stvari“ iz člana 293. stav 1. KZ FBiH, sve u vezi sa članom 54. KZ FBiH.